



PATNUBAY SA MISA



27 Setyembre 2015

Ika-26 na Linggo sa Karaniwang Panahon

Taong B

PAMBANSANG ARAW NG MGA MANDARAGAT / LINGGO NG LAIKO

Pagkatuto sa Diyos na Bukas-Palad

Ngayong huling Linggo ng Setyembre, pinasasalamatan natin ang Panginoon sa marami Niyang biyayang ipinagkaloob sa atin sa buwang ito.

Tunay Siyang Diyos na bukas-palad. Ginaganyak din tayo ngayong lumagong espirituwal sa kagandahang-loob. Hinahamon tayong mag-saayos ng ating mga pinahalagahan at maging handa sa anumang maaaring ibunga ng gayong pagpapahalaga.

Sa pagdiriwang natin ng “Linggo ng Laiko,” mula Setyembre 27 hanggang Oktubre 3, idinadalangin natin sa Panginoon lahat ng laiko para masigla nilang maipalaganap ang Ebanghelyo sa kanilang salita at gawa.

At pagkat ngayon din ay Pambansang Araw ng mga Mandaragat, alalahanin natin ng tanging pagmamahal at malasakit ang tatlong daang libong Pilipinong mandaragat sa iba’t ibang panig ng daigdig. Naglilingkod silang malayo sa kanilang mga tahanan alang-alang sa ikagiginhawa ng kinabukasan ng kani-kanilang pamilya. Nawa ang pag-aalay natin ng Eukaristiya para sa ating mga mandaragat ay maging isa sa pinakamagandang tanda ng ating pakikiisa sa kanila.



PASIMULA



Pambungad

(Ipahayag lamang kung walang awiting nakahanda.)

Lahat ng iyong ginanap ay makatarungang lahat, yamang kami’y sumalungat, parusa’y’yong inilapat. Hiling namin ay patawad.

Pagbati

P –Ang biyaya at kapayapaan buhat sa Diyos Ama, Panginoong Hesukristo, at Espiritu Santo ay sumainyong lahat.

B –At sumaiyo rin!

Pagsisisi

P –Mga kapatid, sa paghahanda natin para sa pagdiriwang ng mga Banal na Misteryo, tingnan natin kung inangkin din natin ang itinatampok ng Ebanghelyo. (Manahimik saglit.)

P –Para sa aming pagkainggit at pagtatangkang angkinin ka

namin, Panginoon, kaawaan mo kami!

B –Panginoon, kaawaan mo kami!

P –Para sa aming pagwawalang bahala sa malungkot na kapalaran ng mga dukha sa aming lipunan, Kristo, kaawaan mo kami!

B –Kristo, kaawaan mo kami!

P –Para sa aming di-matalinong pagpili sa agarang kasiyahan nang di alintana ang masama nitong maibubunga sa aming kapalarang walang hanggan, Panginoon, kaawaan mo kami!

B –Panginoon, kaawaan mo kami!

P –Kaawaan tayo ng makapangyarihang Diyos, patawarin tayo sa ating mga kasalanan, at patnubayan tayo sa buhay na walang hanggan.

B –Amen!

Papuri

B –Papuri sa Diyos sa kaitaasan

at sa lupa’y kapayapaan sa mga taong kinalulugdan niya. Pinupuri ka namin, dinarangal ka namin, sinasamba ka namin, ipinagbubunyi ka namin, pinasasalamatan ka namin dahil sa dakila mong angking kapurihan. Panginoong Diyos, Hari ng langit, Diyos Amang makapangyarihan sa lahat.

Panginoong Hesukristo, Bugtong na Anak, Panginoong Diyos, Kordero ng Diyos, Anak ng Ama. Ikaw na nag-aalis ng mga kasalanan ng sanlibutan, maawa ka sa amin. Ikaw na nag-aalis ng mga kasalanan ng sanlibutan, tanggapin mo ang aming kahilingan. Ikaw na naluluklok sa kanan ng Ama, maawa ka sa amin. Sapagkat ikaw lamang ang banal, ikaw lamang ang Panginoon, ikaw lamang, O Hesukristo, ang Kataas-taasan, kasama ng Espiritu Santo sa kadakilaan ng Diyos Ama. Amen!

Panalangin Pambungad

P –Ama naming makapangyari-

han, ang iyong pinakadakilang magagawa ay magpatawad at ang iyong laging ipinakikita ay pagkahabag. Padaluyin mo sa aming walang humpay ang kagandahang-loob mong sa ami'y inilaan upang sa pagkakamit namin sa pangako mong bigay, kami'y gawin mong kasalo sa ipagkaloob mo sa kalangitan sa pamamagitan ni Hesukristo kasama ng Espiritu Santo magpasawalang hanggan. **B – Amen!**

R. M. Velez

* Ang batas ng Panginoon ay batas na walang kulang; ito'y utos na ang dulot sa tao ay bagong buhay. Yaong kanyang mga batas ay mapagiti-walaan, nagbibigay ng talino sa pahat ang kaisipan. **B.**

* Yaong paggalang sa Poon ay marapat at mabuti, isang banal na tungkulin na iiral na parati. Pati mga hatol niya'y matuwid na kahatulan; kapag siya ang humatol, ang pasya ay pantay-pantay. **B.**

* Ang utos mo, Panginoon, sa alipin mo at lingkod, ay mayroong gantimpala kapag aking sinusunod. Walang taong pumupuna sa gawa n'yang hindi angkop, kaya ako ay iligtas sa lihim na gawang buktot. **B.**

* Ang lingkod mo ay iligtas sa hayag na kasalanan, at h'wag mo pong itutulot na ako ay pagharian. Mamumuhay akong ganap na wala nang kapintasan, ako'y lubos na lalaya sa kuko ng kasalanan. **B.**

Ikalawang Pagbasa *San 5:1-6*

Ang mga tinatanggap nating biyaya sa buhay na ito ay hindi para sa ating makasariling kasiyahan, kundi para tayo makatulong sa mga nangangailangan. Ipinaaalaala sa atin ni Santiago na ang kapabayaang dito ay tanda ng katigasan ng puso na hahatulang mariin ng Diyos.

L– Pagpapahayag mula sa Sulat ni Apostol Santiago

Pakingnan ninyo ito, kayong mayayaman! Tumangis kayo at humagulgol dahil sa mga kapighatiang darating sa inyo. Bulok na ang inyong mga kayamanan at kinain na ng tanga ang inyong mga damit. Kinain na ng kalawang ang inyong ginto at pilak, at ang kalawang ding inyon ang magiging katibayan laban sa inyo at parang apoy na uubos sa inyong laman. Iyan ang kayamananang inimpok ninyo para sa mga huling araw. Sumisigaw laban sa inyo ang upa na hindi ninyo ibinigay sa mga

gumapas sa inyong bukirin. Umabot sa langit, sa pandinig ng Panginoong Makapangyarihan sa lahat, ang mga hinaing ng mga mang-aani na inyong inapi! Nagpakalayaw kayo at nagpasasa dito sa lupa. Nagpataba kayong parang mga hayop na papatayin. Hinatulan ninyo at ipinapatay ang mga matuwid; hindi sila lumaban sa inyo.

Ang Salita ng Diyos!

B – Salamat sa Diyos!

Aleluya

B – Aleluya! Aleluya!

Amang D'yos ni Hesukristo, ang salita mo'y totoo. Kami ay pabanalin mo. Aleluya! Aleluya!

Mabuting Balita *Mc 9:38-43. 45.47-48*

Tinuruan ni Hesus ang kanyang mga disipulong maging maunawain at mapagbigay, maingat at matalino sa kanilang mga pagpili, pagkat walang kabutihang hindi gagantimpalaan, at walang samang hindi parurusahan. Ganito ang mensaheng hatid ng Ebanghelyo ngayon.

P– Ang Mabuting Balita ng Panginoon ayon kay San Marcos

B – Papuri sa iyo, Panginoon!

Noong panahong inyon, sinabi kay Hesus ni Juan, “Guro, nakakita po kami ng isang taong nagpapalayas ng mga demonyo sa pamamagitan ng pangalan mo, at pinagbawalan namin sapagkat hindi natin siya kasamahan.” Ngunit sinabi ni Hesus, “Huwag ninyo siyang pagbawalan, sapagkat walang taong matapos gumawa ng kababalaghan sa pangalan ko ang agad magsasalita ng masama laban sa akin. Sapagkat ang hindi laban sa atin ay panig sa atin. Sinasabi ko sa inyo: sinumang magbigay sa inyo ng isang basong tubig dahil sa kayo'y kay Kristo ay tiyak na gagantimpalaan.

Mabuti pa sa isang tao ang siya'y bitinan ng isang malaking gilingang-bato sa leeg at itapon sa dagat kaysa maging sanhi ng pagkakasala ng isa sa maliliit na ito na nananalig sa akin. Kung ang kamay mo ang nagiging sanhi ng iyong pagkakasala, putulin mo! Mabuti pa ang mapunta ka sa langit nang putol ang isang kamay kaysa may dalawang kamay na mahulog ka sa impiyerno, sa apoy na hindi mamamatay.

PAGPAPAHAYAG NG SALITA NG DIYOS



Unang Pagbasa *Bil 11:25-29*
Ganap na malaya ang Diyos sa pamamahagi ng Kanyang mga kaloob. Bagamat Siya mismo'y may nakatakdang mga “karaniwang daluyan” para sa pamamahagi, gumaganap din Siya sa labas ng ganitong mga “kayariang opisyal,” pagkat ang Kanyang pagmamahal ay para sa lahat. Gayon ang mensahe ng Unang Pagbasa ngayon.

L– Pagpapahayag mula sa Aklat ng mga Bilang

Noong mga araw na inyon, ang Panginoon ay bumaba sa anyo ng ulap at kinausap nga si Moises. Ang pitumpung matatanda ay binahaginan niya ng espiritu, tulad ng ibinigay niya kay Moises. Sila'y napuspos ng kapangyarihan at nagpahayag noon ngunit hindi na nila inulit.

May naiwang dalawang matandang lalaki sa kamento: Eldad ang pangalan ng isa at yaong isa'y Medad. Tinawag silang kasama ng pitumpu ngunit hindi sumama. Gayunman, binahaginan din sila ng espiritu ng Panginoon kaya sila'y nagpahayag na roon. Nakita pala sila ng isang binata at patakbo itong nagpunta kay Moises. Sinabi niya, “Sina Eldad at Medad ay nagpapahayag sa kampo.”

Dahil dito, sinabi ni Josue na anak ni Nun at katulong ni Moises, “Bakit di ninyo sila sawayin?” Ngunit sinabi ni Moises, “Nangangamba ka bang ako'y mababawasan ng karangalan? Mas gusto ko ngang maging propeta ang lahat ng Israelita at mapuspos sila ng espiritu ng Panginoon.”

Ang Salita ng Diyos!

B – Salamat sa Diyos!

Salmong Tugunan *Awit 18*

B – Ating kabutihan't lugod ay nasa loobin ng D'yos!

Kung ang paa mo ang nagiging sanhi ng iyong pagkakasala, putulin mo! Mabuti pa ang mapunta ka sa langit nang putol ang isang paa kaysa may dalawang paa na mahulog ka sa impiyerno. At kung ang mata mo ang nagiging sanhi ng iyong pagkakasala, dukutin mo! Mabuti pa ang pumasok ka sa kaharian ng Diyos nang bulag ang isang mata kaysa may dalawang mata na mahulog ka sa impiyerno. Doo'y hindi mamamatay ang mga uod na kumakain sa kanila, at hindi mamamatay ang apoy."

Ang Mabuting Balita ng Panginoon!

B – Pinupuri ka namin, Panginoong Hesukristo!

Homiliya

Sumasampalataya

B–Sumasampalataya ako sa Diyos Amang makapangyarihan sa lahat, na may gawa ng langit at lupa.

Sumasampalataya ako kay Hesukristo, iisang Anak ng Diyos, Panginoon nating lahat. Nagkawatang-tao siya lalang ng Espiritu Santo, ipinanganak ni Santa Mariang Birhen. Pinagpakasakit ni Poncio Pilato, ipinako sa krus, namatay, inilibing. Nanaog sa kinaroroonan ng mga yumao. Nang may ikatlong araw nabuhay na mag-uli. Umakyat sa langit. Naluluklok sa kanan ng Diyos Amang makapangyarihan sa lahat. Doon magmumulang paririto at huhukom sa nangabubuhay at nangamatay na tao.

Sumasampalataya naman ako sa Diyos Espiritu Santo, sa banal na Simbahang Katolika, sa kasamahan ng mga banal, sa kapatawaran ng mga kasalanan, sa pagkabuhay na muli ng nangamatay na tao at sa buhay na walang hanggan. Amen!

Panalangin ng Bayan

P–Ipinaaalaala sa atin ng mga pagbasa ngayon ang tungkuling mamuhay sa tanglaw ng kautusan ng Diyos at paglabanan ang lahat ng kakitiran ng pag-iisip. Pagkat batid natin ang ating kahinaan, pakumbaba tayong manalangin:

B –Panginoong Diyos, maawa Ka sa amin!

* Nawa lahat ng Katoliko ay maging laging handang maki-

pagtulangan sa lahat ng mga taong tapat sa pagtataguyod ng anumang mabuti. Manalangin tayo! **B.**

* Nawa maging bukas ang pag-iisip ng mga pinuno ng ating mga pamayanan, gaya nina Moises at Hesus, sa pag-unawa sa kilos ng Espiritu, kahit na sa labas ng mga "kayariang opisyal" ng Simbahan. Manalangin tayo! **B.**

* Nawa ang mga laikong kaanib ng Simbahan na bumubuo sa 99% ng mananampalataya ay makatalos sa kanilang karangalan at tumupad sa tungkulin nilang maging mga tagapagtatag ng kaharian sa ating lipunan. Manalangin tayo! **B.**

* Nawa ang ating mga mandragat at kanilang pamilya ay manatiling tapat sa kanilang kapangakuang Kristiyano at magpahalaga sa pagmamahalan sa kabila ng kanilang pagkakalayo sa isa't isa. Manalangin tayo! **B**

* Nawa maipagkaloob ng mga among tagapagpagawa sa mga namamasukan at ng mga opisyal sa gobyerno sa kanilang mamamayan ang anumang nararapat para sa kanila. Manalangin tayo! **B.**

* Nawa ating mapagtanto na ang mga biyaya at kayamanang ipinagkaloob ng Diyos ay hindi upang itago at kamkamin kundi dapat na ibahagi lalo na sa mga nangangailangan. Manalangin tayo! **B.**

* Tahimik nating ipanalangin ang ating mga pansariling kahalilingan. (*Tumigil saglit.*)

Manalangin tayo! **B.**

P–Panginoong Diyos, turuan Mo kaming magalak sa kabutihan ng iba at makipagtulangan sa kanila sa pagtataguyod ng mga pagpapahalaga ng Kahariang itinatag ng Iyong Anak. Ikaw na nabubuhay at naghahari magpakailanman.

B –Amen!

PAGDIRIWANG NG HULING HAPUNAN



P–Manalangin kayo . . .

B–Tanggapin nawa ng Panginoon itong paghahain sa iyong mga kamay sa kapurihan niya at karangalan, sa ating kapakinabangan at sa buong Sambayanan niyang banal.

Panalangin ukol sa mga Alay

P –Ama naming Lumikha, loobin mong ikalugod ang aming paghahandog at ito nawa ay siyang magkaloob ng iyong pagpapalang sa ami'y umaagos sa pamamagitan ni Hesukristo kasama ng Espiritu Santo magpasawalang hanggan.

B – Amen!

Prepasyo I

P –Ama naming makapangyarihan, tunay ngang marapat na ikaw ay aming pasalamatan sa pamamagitan ni Hesukristo na aming Panginoon.

Sa dakilang pagtubos niya sa amin ang kasalana't kamatayang aming pasanin ay binalikat niya upang kami'y palayain at maintapok sa iyong luningning. Siya ang nagtanghal sa amin bilang liping hinirang, pari at haring lingkod sa iyong kamahalan. Mula sa kadiliman, kami'y iyong tinawag upang makasapit sa iyong liwanag bilang iyong angkang may tungkuling maglahad ng iyong dakilang pag-ibig sa lahat.

Kaya kaisa ng mga anghel na nagsisiawit ng papuri sa iyo nang walang humpay sa kalangitan, kami'y nagbubunyi sa iyong kadakilaan:

B –Santo, santo, santo . . .

Pagbubunyi

B – Aming ipinahahayag na namatay ang 'yong Anak, nabuhay bilang Mesiyas at magbabalik sa wakas para mahayag sa lahat.

PAKIKINABANG



B – Ama namin . . .

P – Hinihiling namin . . .

B – Sapagkat iyo ang kaharian at ang kapangyarihan at ang kapurihan magpakailanman! Amen!

Paanyaya sa Kapayapaan

Paghahati-hati sa Tinapay

B–Kordero ng Diyos na nag-aalis ng mga kasalanan ng sanlibutan, maawa ka sa amin. (2x)

Kordero ng Diyos na nag-aalis ng mga kasalanan ng sanlibutan, ipagkaloob mo sa amin ang kapayapaan.

Paanyaya sa Pakikinaabang

P – Ito ang Kordero ng Diyos na nag-aalis ng mga kasalanan ng sanlibutan. Mapalad ang mga inaanyayahan sa kanyang piging.
B – Panginoon, hindi ako karapat-dapat na magpatuloy sa iyo ngunit sa isang salita mo lamang ay gagaling na ako.

Antipona ng Pakikinaabang

(Ipahahayag lamang kung walang awiting nakahanda.)

Ang pangako mo sa akin ngayoy iyang gunitain. Pag-asa kong tatanggapin kahit aba sa 'yong tingin ang pagsamo ko't dalangin.

Panalangin Pagkapakinabang

P – Ama naming mapagmahal, ang aming banal na pakikinaabang ay magdulot nawa ng kagalingan sa aming katauhan upang kami'y makatambal sa kaluwalhatian ng

aming nilalahukan sa tiniis na kamatayan na amin ngayong ipinahayag sa ginanap na pagdiriwang sa pamamagitan ni Hesukristo kasama ng Espiritu Santo magpasawalang hanggan.

B – Amen!

PAGWAWAKAS



P – Sumainyo ang Panginoon.

B – At sumaiyo rin!

P – Magsiyuko kayo at ipanalangin ang pagpapala ng Diyos. *(Manahimik saglit.)*

Sa Kanyang pagmamahal, puspusin nawa kayo ng Panginoon ng Kanyang karunungan upang mapili ninyo at gawin ang kalugud-lugod sa Kanya.

B – Amen!

P – Pagkalooban Niya nawa kayo ng pusong mapagbigay na nagagalak sa kabutihang taglay o ginagawa ng iba.

B – Amen!

P – Bigyan Niya nawa kayo ng lakas na kailangan ninyo para sa malalaking sakripisyo upang magkamit ng buhay na walang hanggan.

B – Amen!

P – At sumainyo nawa ang pagpapala ng makapangyarihang Diyos: Ama, Anak, at Espiritu Santo magpakailanman.

B – Amen!

P – Humayo kayo sa kapayapaan upang mahalín at paglingkuran ang Panginoon.

B – Salamat sa Diyos!


"GOD'S GIFT TO THE YOUNG" An Exhibit on Don Bosco's 200th Birth Anniversary

Catch us at the following Ayala Malls!

August 1-7	Trinoma (Quezon City)
August 12-19	Glorietta 4 (Makati City)
August 22-28	Market Market (Taguig City)
September 3-9	Alabang Town Center (Alabang)
September 22-28	Ayala Center (Cebu)
October 1-7	Abreeza (Davao)
October 10-16	Centrio (Cagayan De Oro)
January 5-11	Marquee Mall (Angeles City, Pampanga)
January 13-19	Harbor Point (Subic)
January 25-31	Bonifacio High Street (Taguig)
February 8-14	The District (Imus, Cavite)

Find out more about St. John Bosco and how his Salesians are making a difference in the Philippines!

Visit our Word & Life Publications booth, avail of BIG discounts and win special prizes!



Ang kanyang mga panaginip... mga Oratoryo...
 Pagmamahal sa Eukaristiya at kay Maria,
 Mapag-ampon sa mga Kristiyano
SAINT JOHN BOSCO, MAN OF VISION
 Ang Ama at Guro ng mga Kabataan!



**WORD & LIFE
PUBLICATIONS**

Don Bosco Compound, A. Arnaiz Ave. cor. Chino Roces Ave., Makati, Metro Manila

Postal Address: P.O. Box 1820, MCPO, 1258 Makati, Metro Manila, Philippines

Tel. Nos. 894-5401; 894-5402; 892-2169 • Telefax: 894-5241 • Website: www.wordandlife.org

• E-mail: marketing@wordandlife.org, wordandlifepublications@gmail.com • FB: Word & Life Publications

• Editorial Team: Fr. S. Putzu, C. Valmonte, Sr. F. Santos, SMI, G. Ramos, R. Molmog, D. Daguio,

V. David • Illustrations: A. Sarmiento, B. Cleofe • Circulation: F. Edjan